

BASES DA CAMPAÑA E SORTEO

O SORTEO DO BENESTAR (consolidación app)

1. Descrición

"O SORTEO DO BENESTAR", é unha campaña promocional e publicitaria, promovida e organizada pola Asociación de Comerciantes Punto Compostela CCA dirixida aos comercios de Santiago de Compostela integrados na Asociación.

Esta campaña promocional iniciárase en data de **3 de agosto de 2026 e rematará o 31 de agosto de 2026**, ambas engadidas. O ámbito da campaña é o Concello de Santiago, podendo participar consumidores/clientela dos establecementos integrados na Asociación de Comerciantes Punto Compostela CCA, segundo a mecánica de funcionamento que se detalla nas presentes bases.

2. Obxectivo

O obxectivo fundamental da campaña é incrementar as vendas e incentivar o consumo no comercio local de Santiago, así como fidelizar a clientela e afianzar o uso da APP PUNTOS COMPOSTELA.

3. Dinámica e Funcionamento

Trátase dunha campaña "aberta", na que poderán participar todas as persoas consumidoras maiores de idade que se rexistren a tal efecto seguindo as indicacións detalladas seguidamente neste apartado, e que realicen unha compra por calquera importe en comercios locais retalistas integrados na Asociación Comercio Punto Compostela CCA. Entrarán no sorteo tódolos tickets subidos á plataforma **dende o comezo do ano ata o 26 de agosto do 2026** (incluído). Non poderán participar nesta campaña/sorteo as persoas traballadoras da Asociación Comercio Punto Compostela CCA, nin familiares ata segundo grao dos mesmos, así como os titulares e empregados dos establecementos comerciais con tickets de compra dos seus propios negocios.

Modalidades de inscrición e rexistro da compra realizada aos efectos de participar no sorteo:

- A persoa consumidora ou clientela poderá rexistrarse para participar nesta campaña/sorteo a través da plataforma/dirección web habilitada a tal efecto e denominada <https://www.puntoscompostela.com>, efectuando o correspondente rexistro da operación de compra realizada nos comercios de Santiago de Compostela integrados na Asociación Comercio Punto Compostela CCA., o que lle dará dereito a 1 participación no sorteo. No rexistro deberá quedar perfectamente identificada a operación de compra realizada e a persoa consumidora ou usuaria. Só poderán facer un rexistro por compra e cada operación de compra rexistrada equivale a 1 participación no sorteo. Así, cantas máis compras se fagan nos comercios adheridos, máis participacións se poderán obter e máis posibilidades de gañar un dos premios sorteados. Os datos facilitados polas persoas consumidoras serán tratados pola entidade organizadora cumprindo tódolos protocolos e toda a

normativa vixente de protección de datos, tal e como se recolle no apartado correspondente destas bases. Cada compra debidamente rexistrada por cada persoa consumidora e que cumpra cos requisitos destas bases, dará dereito a unha participación no sorteo desta campaña promocional, pero cada persoa consumidora terá dereito a obter un único premio de tódolos sorteados, e no caso de ser agasallado cun premio no curso da realización do sorteo, xa non terá opción a obter máis premios. Cantas máis compras fagan nos comercios pertencentes a Asociación Comercio Punto Compostela CCA, máis participacións poderán obter e máis posibilidades de gañar.

- O comercio pode participar activamente nesta campaña/sorteo rexistrando as compras da súa clientela a través da plataforma/dirección web habilitada a tal efecto e denominada <https://www.puntoscompostela.com>. Para iso, debe rexistrarse na plataforma web proporcionando os datos requiridos en relación ao seu comercio (proceso detallado no apartado 3.2 *Rexistro de comerciantes*) e posteriormente efectuando o correspondente rexistro da operación de compra realizada no seu establecemento. No rexistro deberá quedar perfectamente identificada a operación de compra realizada polo cliente, clienta ou persoa consumidora. De igual maneira, os datos facilitados polas persoas consumidoras e comerciantes serán tratados pola entidade organizadora cumprindo tódolos protocolos e toda a normativa vixente de protección de datos, tal e como se recolle no apartado correspondente destas bases.

4. REALIZACIÓN DO SORTEO

O SORTEO terá lugar en data de **26 de agosto de 2026**, ás **12.00 horas** mediante un código programado que elixirá aleatoriamente as persoas agraciadas entre todas as participantes, ata rematar os trece premios. A realización telemática do sorteo polo sistema referido non será aberta ao público, sendo o resultado do mesmo comunicado ás persoas agraciadas polos medios que determine a organización, e que permitan deixar constancia da notificación realizada fehacientemente. Os premios enténdense como cantidades brutas, suxeitas ás retencións que establece a lei vixente no seu caso; polo tanto, dita retención aplicarase automaticamente nos supostos que proceda. A persoa rexistrada na campaña poderá optar aos premios con varias participacións se é o caso, pero unha vez agraciado cun dos agasallos xa non poderá optar ó outro premio. Así mesmo, só poderá saír un premio por establecemento comercial participante. Isto é, no caso de que nun mesmo establecemento comercial xa resultara premiado unha persoa cun ticket de compra feita no mesmo, e de novo resultase agraciada unha nova clienta dese mesmo establecemento con outro ticket de compra realizada neste mesmo comercio; neste caso, pasarase ao suplente, (e así sucesivamente) de tal forma que se distribúan os premios máis equitativamente, e se dean así máis oportunidades, para que toda a clientela de tódolos establecementos participantes asociados poidan ter a opción de obter un agasallo. A entrega de premios realizarase a semana seguinte.

5. Premios

Os premios a sortear nesta campaña consistirán en **13 experiencias de coidado, valoradas entre os 50 e os 245€**.

RESERVAS: No mesmo acto de realización do SORTEO TELEMÁTICO, ademais das persoas elixidas como agraciadas en primeiro lugar, e seguindo o mesmo sistema telemático, serán elixidas tamén aleatoriamente **1 reserva para cada un dos premios sorteados**. A entrega dos AGASALLOS ás persoas agraciadas será realizada na modalidade que acorde a organización, unha vez realizado o sorteo, sendo todos os agraciados fehacientemente notificados a tal fin, mediante comunicación persoal. En calquera caso, comunicaráselles ás persoas agraciadas previamente e coa antelación suficiente no seu caso, a modalidade acordada para a entrega dos premios. No caso de que algunha persoa agraciada non se presente a recoller o premio correspondente, unha vez notificado fehacientemente e convocada a tal efecto, entenderase que renuncia ao mesmo a tódolos efectos, salvo que a persoa xustifique a súa ausencia ante a organización por causa de forza maior allea á súa responsabilidade, e proceda a nomear neste caso a unha persoa representante que o recolla no seu nome, que deberá acudir a dita entrega debidamente identificada e autorizada pola agraciada segundo indicacións da organización.

6. A Asociación Comercio Punto Compostela en calidade de entidade organizadora, procederá a realizar todos os trámites pertinentes para a comunicación previa desta campaña ao servizo de XOGOS, encargándose así mesmo da liquidación das pertinentes taxas perante Facenda Autonómica.

7. Estas bases serán depositadas ante NOTARIO, e así mesmo, estarán o dispor de todas as persoas consumidoras interesados en participar e que desexen consultalas, na páxina web <https://comerciopuntocompostela.es>. A mera participación nesta campaña supón a plena aceptación destas bases, así como a aceptación de tódalas condicións e requisitos recollidos nas mesmas a tódolos efectos.

8. PROTECCIÓN DE DATOS.

De conformidade co disposto no Regulamento da UE 2016/679 de 27 de Abril do 2016, así como na normativa estatal de aplicación no seu caso, infórmase que os datos subministrados pola persoa titular dos mesmos aos efectos de participar nesta campaña, serán incorporados a un ficheiro ou rexistro privado e confidencial, do que é titular e responsable a entidade ASOCIACIÓN PUNTO COMPOSTELA CCA, provista de CIF G 70571971, e con domicilio social en Rúa Nova de Abaixo, 4, 15701 Santiago de Compostela, A Coruña; teléfono de contacto 630981257, e correo electrónico puntocompostela@comerciosalicia.es. Este ficheiro estará depositado e almacenarse na sede da entidade organizadora do sorteo, entidade que cumprirá, así mesmo, con tódalas garantías de confidencialidade e con tódalas obrigas derivadas da normativa de protección de datos aplicable. Que a lexitimación para a obtención destes datos vén dada pola necesidade de contar cos mesmos para poder participar nesta campaña/acción promocional ou publicitaria, sendo tales datos tratados con tódalas garantías, e coa única finalidade de dar saída e cumprimentar os fins e obxectivos propios da campaña, e serán ditos datos conservados polo responsable do ficheiro durante o período de duración de dita campaña.

A través da súa participación nesta campaña, o titular dos datos cedidos para a mesma, que coñece e acepta o contido destas bases, presta o seu consentimento e autoriza expresamente a que tales datos básicos de identificación facilitados a tal fin, así como as imaxes tomadas no seu caso dos actos da campaña, poidan ser publicitados/as en medios

de comunicación, redes sociais etc, a efectos única e exclusivamente de divulgar e publicitar dita acción promocional. Así mesmo, autoriza a que os datos sexan cedidos a terceiras empresas relacionadas coa entidade organizadora, aos únicos e exclusivos efectos de dar cumprimento aos fins da campaña en canto a divulgación, publicidade e promoción da mesma.

O titular dos datos suministrados poderá exercer en calquera momento os seus dereitos de acceso, rectificación ou supresión, limitación do tratamento, oposición ao seu tratamento, portabilidade, esquecemento, e todos aqueles recollidos na normativa aplicable, por medio de comunicación escrita dirixida a ASOCIACIÓN PUNTO COMPOSTELA-PUNTO COMO CCA, provista de CIF G 70571971, e con domicilio social en Rúa Nova de Abaixo, 4, 15701 Santiago de Compostela, A Coruña; teléfono de contacto 630981257, correo electrónico puntocompostela@comercio Galicia.es, na cal conste expresamente e se especifique o dereito que desexa exercer. O titular ten dereito tamén a reclamar ante a autoridade de control en materia de Protección de Datos, no caso de que considere que se vulneraron os seus dereitos nesta materia ou non obtivera satisfacción no exercicio dos mesmos.

9. A Asociación Comercio Punto Compostela reserva o dereito a modificar total ou parcialmente estas bases, así como o de suspender a campaña/sorteo, sen incurrir en ningún tipo de responsabilidade.